

Úitāi ê Chínkiù

2 Sói, lán tiòh koh khah tì lán só thiaⁿ tiòh ê sìnsit, chiah biántit phianlī chintō. 2 Inūi thongkòe thiⁿsài só thoân ê sìnsit sī khaksit ê, sói kiànnā pōegék kah bô sūnhók ê lāng, lóng ē siū tiòh èngtit ê pòèng. 3 Lán nā hutliók chiahih tōa ê kiūun, lán kám ē tàng tōsiám èngtit ê hēnghoát? Chitê kiūun khíthâu sī Chú chhinsin soankáng ê, āulāi hiahê thiaⁿkìⁿ ê lāng ū kā lán chēngsít chitê tāichì. 4 SiōngChú koh thongkòe sīnjiah, kīsū kah kok chióng tōa koānlēng ê chokūi, íkip chiàu l kakī ê chíu só hunphòe ê Sēnglēng ê insù, kah in chòhóe chò kiànchèng.

Chínkiù ê Khailō Sianhong

5 SiōngChú pēng bô kā lán só kóng ê chionglāi ê sèkài kau hō thiⁿsài koánlī. 6 M̄ koh kengtián ū chitê sóchāi chēngsít kóng:

Lāng sngsī siáⁿmih, Lí kèngjián koanhoài i?

Lāng ê kiáⁿ sngsī siáⁿmih, Lí kèngjián khòⁿkò i?

7 Lí hō i pí thiⁿsài siókhóa khah su;

khiook sù i êngkng kah chunkùì chò koanbián,

8 [koh hō i koánhat bānmih].⁸

Kijian SiōngChú hō lāng koánhat bānmih, tòh bô lāu jīmho chit hāng m̄ hókchiông i ê. Chóng sī, kàu taⁿ lán iáubōe khòⁿkìⁿ bānmih lóng hókchiông tī lāng ê khaē. 9 M̄ koh, lán khòⁿkìⁿ hit ūi chiáⁿchò lāng, chiāmsī siókhóa khah su thiⁿsài ê Iésu, l íkeng tit tiòh êngkng kah chunkùì ê biánliú, inūi l kamgoān kenglék síbông ê kankhó, óakhò SiōngChú ê intián, thang ūi chēnglāng lái sí. 10 Hit ūi chhòngchō koh íchhī bānmih ê SiōngChú, ūi tiòh beh chhōa chin chē l ê kiáⁿjī chìnjp êngkng, tòh hō chínkiù in ê khailō

偉大 ê 拯救

2 所以，咱 tiòh koh khah 致意咱所聽 tiòh ê 信息，chiah 免得偏離真道。2 因為通過天使所傳 ê 信息是確實 ê，所以見若悖逆 kah 無順服 ê 人，lóng ē 受 tiòh 應得 ê 報應。3 咱若忽略 chiahih 大 ê 救恩，咱 kám ē tàng 逃閃應得 ê 刑罰？Chitê 救恩起頭是主親身宣講 ê，後來 hiahê 聽見 ê 人有 kā 咱證實 chitê tāichì。4 上主 koh 通過神跡、奇事 kah 各種大權能 ê 作為，以及照祂 kakī ê 旨意所分配 ê 聖靈 ê 恩賜，kah in 做伙做見證。

拯救 ê 開路先鋒

5 上主並無 kā 咱所講 ê 將來 ê 世界交 hō 天使管理。6 M̄ koh 經典有一个所在證實講：

人算是啥物，祢竟然關懷伊？

人 ê kiáⁿ 算是啥物，祢竟然看顧伊？

7 祢 hō 伊比天使小 khóa khah 翰；

卻賜伊榮光 kah 尊貴做冠冕，

8 [koh hō 伊管轄萬物]。⁸

既然上主 hō 人管轄萬物，tòh 無留任何一項 m̄ 服從伊 ê。總是，到 taⁿ 咱 iáu 未看見萬物 lóng 服從 tī 人 ê 腳下。9 M̄ koh, 咱看見 hit 位成做人，暫時小 khóa khah 翰天使 ê 耶穌，祂已經得 tiòh 榮光 kah 尊貴 ê 冕旒，因為祂甘願經歷死亡 ê 艱苦，ó 靠上主 ê 恩典，thang 為眾人來死。10 Hit 位創造 koh 維持萬物 ê 上主，為 tiòh beh chhōa 真 chē 祂 ê kiáⁿ 兒進入榮光，tòh hō 拯救 in ê 開路先鋒耶穌通過苦難來成做完全。上主 áne 做是合宜 ê。

⁸ SPh 8:4-6

⁸ 詩 8:4-6

sianhong lésu thongkòe khóilân lâi chiâⁿchò oânchoân. SiōngChú ánne chò sī hápgí ê.

11 Sūsít siōng, Hit Ūi hō lāng chiâⁿsèng ê, kah hiahê tit tiòh chiâⁿsèng ê lāng lóng sī chhut tī kâng chítê goânthâu. Inūi ánne, lésu chheng in chò hiaⁿtī, pēng bô kámkak kiànsiàu.

12 lésu tùi SiōngChú kóng:

Góa beh tùi Góa ê hiaⁿtī chímmōe soaniōng Lí ê miâ,

Góa beh tī hōechiòng bīnchêng oló Lí.⁹

13 lésu koh kóng:

Góa beh sìnkhò SiōngChú.¹⁰

lū koh kóng:

Khòⁿ ah! Góa kah SiōngChú só siúⁿsù hō Góa ê kiáⁿjī lóng tī chia.¹¹

14 Kijian kiáⁿjī lóng sī ū hoeh ū bah ê lāng, lésu púnsin mā kângkhoán chiâⁿchò ū hoeh ū bah ê lāng. Che sī ūi tiòh beh thongkòe l ê sí lâi siaubiát hitê chiángkoán síbông ê Môkúí, 15 koh tháupàng hiahê inūi tùi síbông kiaⁿhiâⁿ, soah itseng lóng siū síbông khúnpák ê lāng. 16 lésu beh pangchān ê tongjiân m̄ sī thiⁿsài, khiok sī Abulahàm ê kiáⁿsun. 17 Sói, lésu tī tak hongbīn lóng tiòh kah l ê hiaⁿtī chímmōe kângkhoán, chiah ē tàng tī SiōngChú bīnchêng chiâⁿchò jīnchū koh tiongsít ê tōachèsi, thang ūi chēnglāng ê chōe siòkchōe. 18 Inūi lésu ū chhinsin kenglèk kòe chhìthàm kah siūkhó, sói l ē tàng pangchān hiahê siū chhìthàm ê lāng.

11 事實上，Hit 位 hō 人成聖 ê，kah hiahê 得 tiòh 成聖 ê 人 lóng 是出 tī 仝一个源頭。因為 ánne，耶穌稱 in 做兄弟，並無感覺見笑。

12 耶穌對上主講：

我 beh 對我 ê 兄弟姊妹宣揚祢 ê 名，

我 beh tī 會眾面前 oló 祢。⁹

13 耶穌 koh 講：

我 beh 信靠上主。¹⁰

又 koh 講：

看 ah！我 kah 上主所賞賜 hō 我 ê kiáⁿ 兒 lóng tī chia。¹¹

14 既然 kiáⁿ 兒 lóng 是有血有肉 ê 人，耶穌本身 mā 仝款成做有血有肉 ê 人。這是為 tiòh beh 通過祂 ê 死來消滅 hitê 掌管死亡 ê 魔鬼，15 koh tháu 放 hiahê 因為對死亡驚惶，soah 一生 lóng 受死亡網縛 ê 人。16 耶穌 beh 幫贊 ê 當然 m̄ 是天使，卻是亞伯拉罕 ê kiáⁿ 孫。17 所以，耶穌 tī tak 方面 lóng tiòh kah 祂 ê 兄弟姊妹仝款，chiah ē tàng tī 上主面前成做仁慈 koh 忠實 ê 大祭司，thang 為眾人 ê 罪贖罪。18 因為耶穌有親身經歷過試探 kah 受苦，所以祂 ē tàng 幫贊 hiahê 受試探 ê 人。

⁹ SPh 22:22

¹⁰ ISI 8:17 LXX; ISI 12:2

¹¹ ISI 8:18

⁹ 詩 22:22

¹⁰ 賽 8:17 LXX; 賽 12:2

¹¹ 賽 8:18